

Broj: 02-240-2 /25

Datum: 14.02.2025.

Na osnovu člana 33. Zakona o osnivanju Nezavisnog operatora sistema za prijenosni sistem u Bosni i Hercegovini ("Službeni glasnik BiH", broj 35/04), čl. 21. stav (1) tačka c), čl. 64. stav (1) tačka a) i čl. 70. st. (1), (2), (3) i (6) Zakona o javnim nabavkama ("Službeni glasnik BiH", br. 39/14, 59/22 i 50/24), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", br. 103/14 i 49/23) i člana 25. Statuta Nezavisnog operatora sistema u Bosni i Hercegovini ("Službeni glasnik BiH", br. 89/16, 84/18 i 34/23), a na Preporuku Komisije za nabavku iz Zapisnika o ocjeni ponuda za "Nabavka usluge održavanja softvera za izradu dnevnih rasporeda, softvera za aukcije prekograničnih prijenosnih kapaciteta, softvera za nabavku balansnih usluga i softvera za prijavljivanje ugovorenih razmjena" broj: T-NOSBiH-P-02/25, generalni direktor donosi:

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za nabavke iz Zapisnika o ocjeni ponuda za "Nabavka usluge održavanja softvera za izradu dnevnih rasporeda, softvera za aukcije prekograničnih prijenosnih kapaciteta, softvera za nabavku balansnih usluga i softvera za prijavljivanje ugovorenih razmjena" broj: T-NOSBiH-P-02/25, te se ugovor dodjeljuje u predmetnom pregovaračkom postupku bez objave obavještenja o nabavci, ponuđaču NOVITA d.o.o., kao najpovoljnijem ponuđaču po ukupnoj cijeni od 86.400,00 EUR bez uključenog PDV-a.

Član 2.

Ova Odluka će se objaviti na web stranici NOSBiH-a u skladu sa članom 70. stav (6) Zakona o javnim nabavkama, istovremeno s upućivanjem iste ponuđaču koji je učestvovao u predmetnom postupku javne nabavke.

Član 3.

Ova odluka stupa na snagu danom donošenja.

Obrazloženje

Nezavisni operator sistema u Bosni i Hercegovini (u daljem tekstu: Ugovorni organ) je na Portalu javnih nabavki dana 16.01.2025. godine objavio Tendersku dokumentaciju za fazu pretkvalifikacije u pregovaračkom postupku bez objave obavještenja o nabavci za "Nabavka usluge održavanja softvera za izradu dnevnih rasporeda, softvera za aukcije prekograničnih prijenosnih kapaciteta, softvera za nabavku balansnih usluga i softvera za prijavljivanje ugovorenih razmjena" broj: T-NOSBiH-P-02/25 u okviru koje su u skladu sa članom 28. stav (2) Zakona unaprijed utvrđeni uslovi za kvalifikaciju. Ponuđač NOVITA d.o.o. je u roku zadanom u okviru tenderske dokumentacije na protokol Ugovornog organa blagovremeno dostavio prekvalifikacionu dokumentaciju i Zahtjev za učešće.

Utvrđeno je da je dostavljena pretkvalifikaciona dokumentacija i Zahtjev za učešće ponuđača NOVITA d.o.o. formalno-pravno prihvatljiva i ista ispunjava tražene kvalifikacione uslove, odnosno zahtjeve ugovornog organa tražene Tenderskom dokumentacijom za fazu pretkvalifikacije u predmetnom pregovaračkom postupku bez objave obavještenja o nabavci. S tim u vezi, u skladu sa članom 28. stav (2) Zakona, navedenom ponuđaču je omogućeno učestvovanje u daljem toku predmetnog postupka javne nabavke.

Ugovorni organ je na portalu javnih nabavki objavio Tendersku dokumentaciju za fazu dostave početne ponude. Ponuđač je u zadanom roku na protkol Ugovornog organa blagovremeno dostavio svoju početnu ponudu i u skladu sa članom 28. stav (6) Zakona stečen je osnov za pregovaranje. Pregovori sa ponuđačem su obavljeni u roku navedenom u tenderskoj dokumentaciji o čemu je sačinjen Zapisnik kojeg su potpisale obje strane nakon okončanih pregovora.

Nakon dostavljanja početne ponude i obavljenih pregovora u vezi tehničkih, pravnih i ekonomskih aspekata ugovora sa ponuđačem NOVITA d.o.o., Ugovorni organ je na portalu javnih nabavki objavio Tendersku dokumentaciju za fazu dostave konačne ponude.

Ponuđač NOVITA d.o.o. je u zadanom roku na adresu Ugovornog organa blagovremeno dostavio svoju konačnu ponudu u ukupnom iznosu od 86.400,00 EUR. Nakon završene evaluacije, uzimajući u obzir cijenu ponude, zadovoljavanje kvalifikacijskih uslova i ispunjavanja zahtjeva iz Tehničke specifikacije, zaključuje se da je ponuda ponuđača NOVITA d.o.o., prihvatljiva u smislu člana 2. Stav (1) tačka 1) alineja 1) Zakona.

S obzirom na sve navedeno odlučeno je kao u članu 1. ove Odluke.

POUKA O PRAVNOM LIJEKU: Žalba na ovu Odluku se može izjaviti ugovornom organu, u pisanoj formi u dovoljnom broju primjeraka (ne manji od tri), najkasnije 10 dana po prijemu Odluke

Generalni direktor
dr Nemanja Pandurević



Dostaviti :

- Ponuđaču NOVITA d.o.o.
- Sektor za ekonomske poslove
- Sektor za pravne poslove
- a/a